

IX.

Additamentum

ad

Floram Pedemontanam.

Auctore

Joh. Baptista Balbis,

Botanices Professore, et Musei Naturalium Taurinensis Directore.

*Asteriscus indicat Plantas jam in ALLIONII Flora, aut ejus Auctario, vel BELLARDI
Appendice descriptas.*

TRIANDRIA Monogynia.

CROCUS *medius*, stigmatate fimbriato vix corollam aequante, foliis planiusculis brevibus. *Nob.*

Locis faxosis *Tendae* reperitur.

Observatio. Medium locum tenet inter *fativum* et *vernum*; differt a priori ob folia breviora, et latiora, et ab altero ob folia longiora et angustiora. Stigmata insuper in nostra specie tota fimbriata; stylus longus colorem habet *fativo* aemulum, similiterque tingentem. In Horto Taurinensi ab octo annis excultus habitum suum nunquam mutavit.

2. IXIA *Bulbocodium* L.

I. scapo unifloro, foliis linearibus canaliculatis, angulatis. *Willd.* Sp. pl. p. 196.

Sisyrinchium asprensium, angusto folio, alterum. *Column. ecphr.* 2. p. 5.

t. 7. f. 1.

In rupibus circa *Monaco* legit, mihique praeftitit amicissimus *Georgius Dumarché* à *Pont de Vaux*, eximius botanices cultor, cum quo maximam *Nicaeensis* agri partem non sine emolumento perlustravi. Ex agro *Nicaeensi* abunde quoque misit diligentissimus *Botanophilus Rizzo*.

3. SCIR:

3. *SCIRPUS ovatus* Roth.

S. culmo subcompresso, nudo, filiformi, spica ovata terminali nuda, floribus diandris. Roth *Catalecta bot.* I. p. 5.

Juncus clavatus minor capitulis rotundioribus. Moris. *Hist.* III. p. 233. Sect. 8. t. 10. f. 34.

Locis subhumidis prope *Roccaforte*; similibusque locis abunde inter *Saluzzola* et *Biella*.

4. *SCIRPUS supinus* Willd.

Sc. culmo tereti nudo, spicis sessilibus, in medio culmo glomeratis. Dalib. *Parif.* p. 16. Roth, *Fl. Germ.* II. 1. p. 55.

Scirpus supinus minimus capitulis conglobatis, foliis rotundo-teretibus. *Tourn. Inst.* p. 528.

In aquis et arenosis prope *Duriam*, inter *Susa* et *Buffolino*.

D i g y n i a.

5. *PANICUM capillare* L.

P. panicula capillari erecta patente, foliorum vaginis hirtis. L. *Syst. nat.* ed. 13. Vol. III. p. 88.

In agro *Nicaeensi*, versus flumen *le Var*.

6. *AGROSTIS intermed.* Nob.

In pratis humidis della *Mandria*, ac circa lacum di *Caselle*. Annua.

Observatio. Ludit inter *pumilam* ac *alpinam*. Differt a priori ob aristae praesentiam; et ab altera, quum nostra majorem habeat altitudinem, et aristam brevioram, tum quod haec humilioribus, humidisque locis reperiatur, altera in alpinis luxuriat.

7. *AGROSTIS interrupta* L.

A. petalo exteriori aristato, panicula attenuata, coarctata, interrupta. Linn. Sp. pl. I. p. 92.

Gramen arvense paniculatum spica interrupta. Scheuchz. *gram.* p. 146.

Gramen capillatum capitulis interrupto angustioribus. Vaill. p. 88. t. 7. f. 4.

Ad Padi ripam ante *Valentinum*, ac locis arenosis prope *Padum* versus *S. Mauro*. Floret *Junio*. Annua.

8. *POA Molinerii* panicula compacta, glumis 7 floris cordatis. Nob.

Locis saxosis et siccis prope *Tenda* reperta est, ac in hortum *Taurinensem* adlata ab eximio *Ignatio Molineri*, a quo nomen triviale desummi, utpote ejus stirpis inventore. Biennis.

Descriptio.

Descriptio. *Culmus* spithamaeus, procumbens, *folia* angustiora quam in alpina, *panicula* densa, *spiculae* septemflorae cordatae.

9. *CYNOSURUS cylindricus*, bracteis integerrimis, corollis aristatis, spica cylindrica unciali *Nob.*

Locis calidis ad summam montium *Tendae* et *Ormeae*, aliisque similibus locis montium maritimorum; abunde legi in rupibus *Villafrancae* Nicaeensis soli, expositis.

Valde proximus *coeruleo Willd.* a quo tamen differt, quum magis crassus ac robustus sit, tum ob spicam, quae valdopere longior, ac cylindrica est, aristae quoque longiores; caeterum caeruleus in herbis alpium, hic vero locis montanis calidioribus nascitur.

10. * *FESTUCA pumila* *Bell. app. p. 10.*

Locis declivibus et saxosis ad *grand S. Bernard* reperta fuit ab *Ignatio Molineri*. Ego in alpinis *vinadiensis* legi.

11. * *FESTUCA altissima* *All. auct. p. 43.*

Locis umbrosis et pinguibus versus summam collis di *Caslette* dicti il *Musiné*.

12. *AVENA fragilis* *L.*

A. spicata calycibus quadrifloris, flosculo longioribus. *Mant. 326. Schreb. gram. t. 24. f. 3.*

In littore maritimo prope Nicaeam. Annua.

PENTANDRIA Digynia.

13. *CAUCALIS daucoides* *L.*

C. umbellulis trifidis aphyllis, umbellulis trispermis, triphyllis *Hort. Cliff. p. 91.* *Caucalis arvensis echinato parvo flore. Moris. Hist. III. f. 9. t. 14. f. 6*

In arvis *Augustae Praetoriae*. Annua.

HEXANDRIA Monogynia.

14. * *BULBOCODIUM vernum* *L. Bell. app. p. 19.*

Attuli anno 1789 ex pratis vallis *Queiras*, atque cum celeberrimo *Bellardi* communicavi. Frequentem vidit in valle *Augustae Praetoriae* prope *Cogne*, atque florentem legit mense *Aprili* naturalium rerum scrutator solertissimus, cl. *Mior*, paucis abhinc annis *Reip. Gallicae Taurini* legatus.

15. *JUNCUS acuminatus*, culmo nudo acuminato, ad basin squamato, panicula laterali exigua, floribus breviter pedunculatis. *Nob.*

R

Secus

Secus rivulos locis frigidis circa summitatem *minoris montis S. Bernardi*.
Perennis.

Descriptio. Teres, basi squamosus, ut *conglomeratus*, a quo differt panicula minori et culmo magis firmo ac inani.

OCTANDRIA *Monogynia*.

16. *ERICA multiflora* L.

E. antheris muticis exsertis, corollis cylindricis, stylo exserto, foliis quinis, floribus sparsis. *Linn. Syst. Veg. ed. XIV. p. 370.*

E. Corios folio II. *Clus. Hist. I. p. 42.*

E. Juniperifolia dense fruticans barbonensis. *Lob. Hist. 620. Garid. prov. p. 160. t. 32. Magnol. Monspel. p. 90.*

Florentem legi Niceae ad valleculae cujusdam ingressum versus finem Novembris. Fruticans.

Observatio. Caulis haud humanam attingit altitudinem, ut *Reichard, Vitman*, alique posuere, sed bipedalis, aut ad summum tripedalis est, ac Corollae potius ovatae. *Clusii* synonymon ad *mediterraneam* relatum huc transtuli, *Garideli* auctoritati fretus, et quia revera *Clusii* figura optime speciem nostram repraesentat.

Trigynia.

17. *POLYGONUM dumetorum* L.

P. foliis cordatis, caule volubili, laevi, floribus carinato-alatis. *Fl. dan. t. 756.*

Fagopyrum scandens altissimum dumetorum, feminibus tribus alis pellucidis. *Rupp. jen. p. 99.*

In hortis et arvis prope Augustam praetoriam legit *Bernardus Tillier* Botanicus perspicacissimus, qui Augustanae vallis stirpes indefesso labore, summaque solertia perquisivit, nobisque aliquas humanissime communicavit, alias autem possidet, quas maturius examen requirentes Additamento altero reservamus.

DECANDRIA *digynia*.

18. *DIANTHUS alpestris*, floribus solitariis, squamis calycinis duabus cordatis, corollis brevissimis, emarginatis, caule erecto. *Nob. Mém. de l'Acad. de Turin. Vol. I. t. 1.*

In pascuis maritimarum alpium, nominatim in illis *la Madonna d' le fenestre* dictis. Perennis.

19. DIAN-

19. *DIANTHUS furcatus*, caule bifloro, squamis calycinis oppositis saepius binis, tubo admodum brevioribus. *Nob.* — l. c. tab. 2.

20. *DIANTHUS tener*, corollis fimbriatis, squamis calycinis duabus vix calyce brevioribus, foliis linearibus subulatis. *Nob.* — l. c. tab. 3.

Utraque hae species ad agrorum margines prope Tendam repertae sunt, ac in hortum Taurinensem translatae.

Pentagynia.

21. *SILENE Muscipula* L.

S. pedalis bifidis, caule dichotomo, floribus axillaribus, sessilibus, foliis glabris.

Mill. Dict. n. I.

Lychais sylvestris rubra altera. *C. Bauh. pin. p. 205.*

Inter segetes prope *Antibes*. *Annua.*

ICOSANDRIA polygynia.

22. *POTENTILLA intermedia* L.

P. foliis radicalibus quinatis, caulinis ternatis, caule erectiusculo ramosissimo.

L. Mant. p. 76.

Quinquefolium montanum erectum hirsutum luteum. *C. Bauh. Pin. p. 325.*

Prodr. 139. n. 3.

Potentilla foliis quinatis septenatisve, crenato-incisis, oblongo-hirsutis, caule ramofo erectiusculo. *Vill. Delph. III. p. 568. cum descriptione satis bona.*

Legi elapso anno *Cunei* ad *Gessii* ripam prope locum dictum *il Rondeau*; exemplaria misit laudatus *Bruno*, a quo *Cuneensis* agri florulam proxime evulgandam anxii expectamus. *Perennis.*

POLYANDRIA monogynia.

23. * *CISTUS canus* L. *Allion. II. n. 1664. t. 45. f. 3.*

In glareosis calidioribus prope *Giambava* in valle *Augustae praetoriae* reperit eximius civis *Tillier*.

Polygynia.

24. *RANUNCULUS pyrenaicus* Gouan.

R. fol. radicalibus orbiculato-reniformibus, 3-5 lobis: caulino palmato sessili.

Illustr. t. 17. f. 1. et 2.

Reperit civis *Tillier* in aridis inter *Pollein* et *Briffogne* in valle *Augustae praetoriae*.

Observatio. Grumosa hujus Ranunculi exsiccati ac in herbario proprio ultra duos menses servati radix terrae commissa, radicalia folia promisit mox elapso autumnno, obscuris maculis hinc inde signata, unde vivam nunc plantam in horto habeo. *Gouani* figura plantae nostrae exacte respondet, sola radice excepta, quae in nostra minime diffunditur et cum R. asiatico maximam affinitatem habet.

DIDYNAMIA gymnospermia.

25. *GALEOPSIS grandiflora* Roth.

G. internodiis caulinis superne incrassatis, verticillis omnibus remotis, calycinis dentibus lanceolatis mucronatis erectis, caule pubescente, pilis glandulosis. Willd. Sp. pl. III. 1. p. 91.

G. foliis rhomboideis ferratis sericeis, verticillis diffutis. Hall. helv. n. 267.

Galeopsis dubia Leers Herb. p. 135. n. 453.

Inter saxa ad agrorum limites prope *Cuneum* et oppidum *Vignolo* abunde observavi mense Junio anni 1799. Sicca specimina misit hoc anno ibidem lecta peritissimus Bruno.

Observatio. Ramosa admodum, ac Ladano altior, corollis majoribus praedita, jure auctoribus distincta species est.

26. *STACHYS maritima* L.

S. foliis cordatis obtusis tomentosis crenatis, bracteis oblongis integerrimis.

Betonica maritima flore ex luteo pallescente. Dill. Elth. 50. t. 42. f. 50.

Betonica heraclea latifolia Dioscoridis. Donat. Ven. 84. Bocc. Mus. a. p. 164. t. 127.

In maritimo littore prope *Antibes* legi anno 1800. sub finem mensis Maji.

27. *SCUTELLARIA hastifolia* L.

S. foliis integerrimis, inferioribus hastatis, superioribus sagittatis.

Scutellaria folio non serrato. Riv. mon. 77.

Lecta fuit a diligentissimo Botanicis cultore, cive *Buffolino*, in pratis locisque humidis prope ejus castrum.

Observatio. Valde similis *galericulatae*, cujus varietas forsitan est.

Angiospermia.

28. * *BARTSIA viscosa* L. All. I. n. 218.

Abunde secus flumen *le Paillon* circa *S. Pons* in agro Nicaeensi; copiosius in pratis supra *Antibes*.

29. * *Rumex*

29. * RHINANTHUS *Trixago* L. BELLARDIA *Trixago* Allion I. n. 61.

Frequens occurrit circa *Antibes*, ubi ramosus quandoque est; in pratis humidis potissimum luxuriat.

LINNAEA. *Gen. pl.* 1037.

Calyx duplex: fructus diphyllus, floris quinquepartitus superus. *Corolla* campanulata, calyce duplo major. *Bacca* sicca, ovata, trilocularis.

30. LINNAEA *borealis* L.

L. floribus geminatis. *Fl. Lapp.* p. 250. t. 12. f. 4.

Campanulata serpillifolia. *Bauh.* p. 93. *Prodr.* 35.

Nummularia norvegica, flore purpureo. *Kill. Act. Dan.* II. p. 346. f. c.

Elegantem, raramque indigenam hanc stirpem primus indicavit cl. *Saussure* (*Voy dans les alpes*, in 4to I. p. 218.), qui eam observavit in alpinis Sabaudiae dictis *les Voirons*. Indefessus noster *Molineri* reperit dein in valle *Soana* locis saxosis et muscosis; superius laudatus *Miot* similibus locis invenit secus viam, quae ab admodum excelso ponte ducit ad oppidum *Cogne*, ac non procul ab eo distat. Floret Junio, ac Augusto.

TETRADYNAMIA *filiculosa*.

31 * DRABA *muralis* Willd.

D. caule ramoso, foliis ovatis amplexicaulibus dentatis, filiculis patentibus glabris. *Willd. Sp. pl.* III. 1. p. 429.

Draba nemorosa All. *Ped.* I. n. 897.

In agro nicaeensi legi prope *S. Pons*. Circa *Cuneum* invenit mihi civis *Bruno*.

Observatio. Caulis in hac specie nonnunquam simplex. Flores albi. Siliculae laeves.

32. DRABA *nemoralis*, caule ramoso foliis ovatis amplexicaulibus, dentatis, filiculis patentibus, pubescentibus. *Willd. Sp. pl.* III. 1. p. 429.

Alysson folio *Veronicae*, floribus luteis. *Buxb. Act. Petrop.* III. p. 273.

Legi in arvo quodam secus viam prope *Lanslebourg*, mense Junio.

Observatio. Recte a *murali* distinguenda planta, ob caulem magis diffusum, ramosiorem, corollam luteam, siliculas pubescentes.

33. BUNIAS *Cakile* L.

B. filiculis ovatis laevibus ancipitibus.

Eruca maritima italica filiqua hastae cuspidi simili. *Bauh. Pin.* p. 99.

Legi in littore maritimo *Uneliae*, ac *Nicaeae*. Annua.

Siliquosa.

34. *SINAPIS eruroides* L.

S. siliquis laevibus aequalibus, foliis lyratis oblongis glabris, caule scabro.
Mant. 429.

Eruca sylvestris flore albo italica. Barrel. Ic. 132.

In olivetis Nicaeenſibus primo vere frequens. *Annua.*

35. *SISYMBRIUM Loefelii* L.

S. foliis runcinatis acutis hirtis, caule retrorsum hispido. Amoen. Acad. IV.
p. 322.

In Liguria circa Loano legi.

DIADELPHIA Decandria.

36. * *VICIA bithynica* L. *Allion. Fl. I. n. 1199. t. 26. f. 2.*

Abunde legit circa Cuneum in arvis prope flumen Sturae circa molendinum *Chieſa* eruditissimus *Bruno.*

37. * *VICIA narbonensis* L. *Allion. I. n. 1207.*

In agro Cuneenſi fecus fossam ante la tour de Bonada copioſam obſervavi.

38. *ASTRAGALUS exscapus* L.

A. acaulis exscapus, leguminibus lanatis, foliis viscosis. Mant. 275.

Glaux montana acaulon. Bauh. Pin. 347. *Prodr.* 147.

In ſylvaticis inter *Aimaville* et *Cogne* legit *Tillier.* Perennis.

39. *MEDICAGO glomerata* leguminibus contortis villoſis; caule erectiusculo. *Nob.*

Circa *Berra* in agro Nicaeenſi legit *Ign. Molineri.*

Obſervatio. Valde proxima quoad folia et flores *M. falcatae*, ſed caulis in hac erectiusculus, legumina in faſciculum veluti congeſta, glomerata, villoſa, panicula magis denſa. Corolla lutea.

SYNGENESIA Polygamia aequalis.

40. *LACTUCA Segufiana.* *Nob.*

Locis ad meridiem poſitis in vinearum jugis non procul a *Seguſio* naſcitur.

Valde ſimilis *L. perenni*, a qua tamen differt, quum undequaque magis exigua ea ſit, florem habeat purpureum, ac annua.

41. *LEONTODON crispum.* *Vill.*

L. papporum radiis ſtipitatis plumoſis, foliis erectis ſinuato-lanceolatis, radice fuſiformi, pilis trifurcatis. Fl. Delph. III. p. 84. t. 25.

Dens leonis foliis hirsutis et asperis, saxatilis. *Tourn. instit. 468. Morif. Hist. III. c. 7. t. 12.*

In collibus aridis et soli expositis occurrit prope Augustam praetoriam, observante C. Tillier. Perennis.

42. * *HIERACIUM saxatile.* Vill. Bell. app. p. 36.

Inter rupium fissuras, quae meridiem spectant in summa valle Locanae super *Ceresole* lecta est, ac in hortum translata eundem habitum semper servavit.

43. * *HIERACIUM hybridum.* Bell. app. p. 36.

Cl. *Villarsius* sub nomine *HIERACII Halleri* designavit in *Fl. Delphinat. III. p. 104.* ac sub nomine *hybridi* repraesentavit *Tab. 26.*, non *24.* ut in *Bell. l. c.*

Locis saxosis, praesertim secus alpium torrentes raro invenitur; copiosior est in alpestribus Javenni prope *il Col dello Rossa*.

44. * *CACALIA albifrons.* Bell. app. p. 37.

In frigidis convallibus ad nivem deliquescentem, in alpibus Tendae, tum ad summitatem loci dicti *la Combe d'Ambin*, in valle, quae ultra parvum montem *Cenisium* reperitur.

ATHANASIA.

Receptaculum paleaceum. *Pappus* paleaceus, brevissimus. *Calyx* imbricatus.

45. *ATHANASIA maritima* L.

A. pedunculis bifloris, foliis lanceolatis crenatis obtusis tomentosis. *Mill. Dict. n. 6.*

Chrysanthemum perenne gnaphaloides maritimum. *Morif. III. p. 81. S. 6. t. 4. f. 47.*

Florentem legi anno 1792. versus finem Augusti in littore maritimo prope *Loano*. Perennis.

Polygamia superflua.

46. *TUSSILAGO frigida* L.

T. thyrso fastigiato, floribus radiatis. *Sp. pl. p. 1214. Oed. Fl. Dan. tab. 61.*

In alpibus vallis Augustae praetoriae admodum raram hanc stirpem invenit Tillier.

47. *INULA crithmifolia* L.

I. foliis linearibus carnosissimis tricuspidatis. *Gouan. Monsp. 445.*

Crithmum maritimum colore Asteris attici. *C. Bauh. Pin. 288.*

Inter flumen *Le Var*, et *Antibes* ad maris littora observavi. Perennis.

GYNAN-

GYNANDRIA *Diandria*.

48. *OPHRYS aestiva* bulbis aggregatis oblongis, caule folioso, foliis linearilanceolatis. *Nob.*

Epipactis foliis plerisque ex lineari-lanceolatis. *Gmel. Sib. p. 13. t. III. f. 1.*

Orchistastrum aestivum palustre album odoratum. *Mich. Gen. 30. t. 26.*

Locis humidis circa *Caselle*, et lacum di *Caselle*. Ego in thermis *Valde-rianis* reperi.

Descriptio. Scapus e medio foliorum emergit, haec vero angustiora ac longiora sequenti, flores viridescentes, spica minus densa, ac flores numero minores.

49. *OPHRYS autumnalis* bulbis aggregatis crassiss, scapo laterali, foliis ovatis brevibus. *Nob.*

Ophrys spiralis. *Oed. Fl. Dan. t. 387.*

Triorchis, vel *tetrorchis* alba odorata major. *C. B. P. 84. Morif. Hist. III. p. 496. Sect. 12. t. 14. f. 1.*

Locis saxosis, siccis, calidisque *Condove* et *Caselle*.

Descriptio. Radix crassior, quam in praecedenti, at scapus lateralis; folia ovata, lucida, brevia, flores albissimi. Haec autumnino floret, altera constanter aestate.

Observatio. Binae hae *Ophrydis* species ad spiralem redactae fuerant ab auctoribus. Videntur tamen ob mox allatos sat distinctos characteres a se invicem sejungendae.

50. *OPHRYS insectifera* L.

O. bulbis subrotundis, scapo folioso, nectarii labio quinquelobo. *Reich. Syst. IV. p. 16.*

Ophrys fucum referens major foliolis superioribus candidis et purpurascens. *C. B. P. 83. Morif. Hist. III. p. 494.*

Ex sylvis prope vineam reginae retulit cl. *Botta*. In pratis circa oppidum *Marcorengo* legit civis *Miot*; in valle *Segusii* reperta est ab *Ignatio Molineri*.

Observatio. Haec a *muscaria* et *Arachnide* *All.* distinguenda, cum major priori sit, folia proferat pauciora, laevia, latiuscula; caulem pedalem, flores tribus expansis alis purpurascens et foliolis explicatos, unum superiorem, duos laterales; labellum dependet nigro, aut fuliginoso colore, luteis quibusdam lineis variegatum, ut fucum potius quam vesperam repraesentet. *Morif. l. c.*

MONOE-

MONŌECIA triandria.

51. *CAREX cenifsa* spicis tribus pedunculatis androgynis inferne masculis. *Nob.*

Locis frigidis fecus rivulos in monte *Cenifso* admodum rara.

Observatio. In hortum translata ab Ignatio *Molineri* naturalem habitum nunquam mutavit, ac diligenti-examini subjecta nullam unquam ostendit spicam masculam, sed spicas tantum androgynas aliquibus masculis inferne instructas. Semen obtusum est, coloris viridi-grisei, ac extra glumam exporrigitur. Legi versus medium elapsi Augusti in monte *Cenifso*, ubi promiscue cum *capillari* et *juncifolia* reperi; sed rariorem. Unicam interdum, quandoque duas, saepius tres gerit spiculas, quarum ima constanter caeteris longius pedunculata est.

52. *CAREX sempervirens* *Villars.*

- C. foliis duris, perennantibus; dense caespitosis, spica mascula oblonga, foemineis binis laxis, omnibus atro-fuscis. *Vill. Delph. II. p. 214.*
C. spicis foemininis binis longe petiolatis diffitis, capsulis longe rostratis bifidis. *Hall. helv. n. 1389.*

Nihil vulgatus prope lacum montis *Cenifsi*.

DIOECIA diandria.

53. *SALIX helvetica* *Vill.*

- S. foliis lanceolatis, superne atro-viridibus reticulatis, inferne niveis, julis oblongis, basi foliosis, capsulis sericeis. *Vill. Delph. III. p. 783. add. Syn. Hall. helv. n. 1642.*

Legit *Tillier* in pratis vallis *Combales*.

POLYGAMIA monoecia.

54. *AEGILOPS squarrosa*. *Linn. | S. Veg. ed. XIV. p. 907. Schreb. gram. tab. XXVII. f. 2.*

In vineis circa urbem *Augustae praetoriae* invenit *Tillier*.

CRYPTOGAMIA. *Filices.*

55. *ACROSTICHUM ilvense* *L.*

- A. frondibus sub-bipinnatis: pinnis opposito-coadunatis obtusis, subtus hirsutis; basi integerrimis. *Fl. Dan. t. 391.*

Filicula alpina teretior, alis latiusculis brevioribus, integris, profunde dentatis. *Morison Hist. III. p. 5-6. f. 14. t. III. f. 23.*

In rupibus prope lacum de *Valtournancee* apud *Augustanos* legit meritissimus *Tillier*.

56. *PTERIS acrosticha* frondibus duplicato-pinnatis; pinnis ovatis sublobatis obtusis margine reflexis, punctis vix distinctis.

In muris subhumidis vineas di *Monpantero* circumeuntibus secus viam in medio sitam, haud procul a Segusio.

Descriptio. Frons bi-pollicaris atro-purpurea, pinnae duplicato-pinnatae obtusae; fructificatio recentis plantae consistit in punctis marginalibus membrana fere obtectis, per aetatem magis conspicuis, neque sejunctis. Margo foliorum reflexus est, totam pene fructificationem tegens.

Observatio. Dubius haesi, an ad *POLYPODIUM pteridioides* Reich. vel ad ejusdem *ACROSTICHUM ilvense* referenda esset. Sed a priori differt ob fructificationis puncta et staturam, quae longe minor in nostra planta; et ab altero, quum folia magis profunde incisa habeat, et stipitem atro-purpureum.

57. *ASPLENIUM alternifolium* Murr.

A. frondibus simpliciter pinnatis, foliolis alternis cuneiformibus, superne incis. Jacq. *Misc. austr.* II. p. 51. t. V. f. 2.

Asplenium caule pinnato, pinnis imis trifoliatis, superioribus simplicibus dentatis. Hall. *Hist.* n. 1690.

Novam hanc Pedemontii civem sagaci indagini insignis mulieris *Aloysiae Scarrone* debemus, quae in itinere cum egregio nostro *Molineri* anno 1796. ad Javenenses alpes suscepto stirpem hanc inter saxorum foli expositorum rimas, conscendens jugum *della Rossa* dictum, invenit, ut in epistola ad strenuum virum *Lavilla* aperuit. Similibus locis in valle Lancei prope *Cantoira*, *Quazzolo*, ac *Monasterio* reperta est.

M u s c i.

58. *SPHAGNUM alpinum* Murr.

S. subramosum erectum. Reich. IV. p. 449.

S. tubulatum viridissimum capsulis ovatis. Dill. *Musc.* 245. t. 32. f. 3.

In scopulis locis humidis ac septentrionalibus supra *Giaveno*, aliisque alpestribus locis.

A l g a e.

59. *LICHEN pulmonarioides* foliaceus, laciniatus obtusus, villosus, supra lacunosus, verrucosus.

Lichenoides pulmoneum villosum, superficie scrobiculata et peltata. Dill. *Musc.* 216. t. 29. f. 114.

Locis valde umbrosis super rupes vallis Lancei, eundo ad sanctuarium di *Marsaglia* dictum, supra *Quazzuolo* legit *Ignatius Molineri*, qui in valle *Locana* minus frequentem esse observavit.

De-

Descriptio. Affinis *pulmonario*, superficie tamen villosa, ac laciniis subrotundis ab eo differt. Ejus fructificatio consistit in verrucis exiguis, parum concavis, per aetatem nigrescentibus, quae nec scutellae verae, nec peltae sunt, sed aliam prorsus figuram prae se ferunt, ut recte *Dillenius* adnotavit.

60. *CONFERVA tremelloides.*

C. vesiculis coadunatis.

Locis aquosis stagnantibus ad flumen *le Var* prope Nicaeam aquae supernatantem reperit *Ign. Molineri*.

Descriptio. Ambigit inter Confervam et Tremellam. Substantia est gelatinosa, turgida, ex viridi albescens, totidem vesiculis conflata inter se coacervatis. Siccata crispa admodum evadit.

F u n g i.

AURICULARIA Bull.

Fungus sessilis, plerumque membranaceus, arborum truncis, aut humo tota pagina inferiore adnascens: adultior magisque evolutus laxatus, et sensim resupinatus, semina e pagina superiore jamjam infera facta emittens, sed lento, longoque temporis lapsu.

61. *AURICULARIA ferruginea* Bull.

A. perennis, coriacea, tenuis, glabra, zonata, subfusco-ferruginea. *Hist. des champign. de la France* Tom. I. p. 281. t. 378.

Super arborum emarcidarum truncos, ac supra cortices vetustos ulmorum, eundo ad Valentinum.

Descriptio. Coriacea tenuis, zonata, glabra, colorem ferrugineum, ad obscurum vergentem referens; ejus Zonae minus apparent in superficie inferiori, quam in superiori, quae villosa est.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Archiv für die Botanik](#)

Jahr/Year: 1805

Band/Volume: [3](#)

Autor(en)/Author(s): Balbis Joh. Baptista

Artikel/Article: [Additamentum ad Floram Pedemontanam 127-139](#)